



La fueina publica giu l'Isa sut da Castrisch ha uss interessantas attraccziuns.



Il hotel ch'ei finius porscha ad insects ed aviuls selvadis ina dimora.

In hotel a Sassfau

120 affons sportivs ein s'entupai a Castrisch

DA AUGUSTIN BEELI

■ **Dacuort ein las organizaziuns da giuventetgna e sport (G+S) dil sectur nordic dalla Surselva s'entupadas a Castrisch. 120 affons ein separticipai al final digl Energia Alpina Nordic Cup Surselva.** Uonn ei il Club da skis da Castrisch staus en roda d'organisar il gi final. Pils biars affons eis ei mintg'onn il punct culminont dalla stagium. Suenter las tschun cuorsas che quentan pigl Energia Alpina Nordic Cup ei il final in divertiment e la cumpignia el center. Pils 120 affons e giuvenils da Trin tochen Sedrun aveva il comite d'organisaziun semtgau in gi final en in'otra fuorma. Enstagl da far cuorsas da posts divertentas sco mintg'onn ha ei quella gada dau in'acziun speciala. Ils participonts ein serimnai alla staziun da Castrisch ed ein vegni reparti en gruppas. Mintga gruppa ha giu dad elaborar diesch bests da pégn. Ina gruppa ha fatg schinumai «hockers», sutgas per la fueina publica. Autras gruppas han fatg petgas d'indians ch'is gidonters han tschentau sigl areal dalla fueina. Igl ei petgas specialas cun skis da Castrisch. La fueina publica giu l'Isa sut spel Rein ha era retschiert dus interessants giugs da cuort'uriala ch'is affons e giuvenils han fatg. Tut ils affons e giuvenils ein semess

alla lavur cun motivaziun, tonpli ch'igl ei stau in gi da primavera ideal per talas activitads. Sco adina ha ei dau gruppas mishedadas cun pign e grond e da tut ils vitgs. Plinavon han duas gruppas retschiert il pensum da construir in hotel d'insects a Sassfau. Tgei che quei ei havevan ils biars gia udiu ni legiu, denton construir sez in tal implont ei stau l'attraccziun. Il resultat ei vesevels e fa in bi aspect agl ur dallas caglias e dil prau a Sassfau. Cu tutta lavur ei stada finida ein ils 120 participonts cun lur menaders s'entupai sper la fueina ad Isla sut nua ch'els han saviu sesurvir cun hamburgers ton sco els han vuliu. Ei seigi stau in gi fetg cool, han tuts affons e giuvenils commentau il final d'uonn a Castrisch. Alla fin dalla sentupada ha ei dau – sco ei tucca tier il final dil Cup sursilvan da cursa liunga – in premi. Las dunnas dil club havevan cusiu sacados cun blahas. Culs differents motivs e colurs ei quei stau in schenghetg individual ch'is affons e giuvenils han apprezzau fetg.

Gia il gi suenter han las petgas d'indians ed il hotel d'insects attratg massa visitaders giu l'Isa sut. La dumengia ein entiras famiglias spassegiadas dalla staziun da Castrisch en direcziun Rein per admirar quei ch'is affons e giuvenils sportivs havevan prestau.



Ina dallas gruppas che ha construui e decorau las petgas d'indians.



Ils gidonters monteschan gest ina petga d'indians sper la fueina ad Isla sut.



Ina dallas gruppas ch'ei vidlunder da far ina petga decorativa.



In «hocker» sper la fueina san ins era duvrrar per aufer.

Ina casetta da cudischs per Sagogn

■ **Suenter che la vischnaunca da Sagogn ha montau igl onn vargau molocs per il rumien fussen tut las casettas da rumien vegnidas demontadas.** Il plan dalla Pro Sagogn d'astgar realisar ina casetta da cudischs ord ina tala hetta ha la suprastanza dalla vischnaunca Sagogn acceptau ed era offeriu da sustener la transformaziun. Sco meglier object per quei intent ei la hetta ella Via Fanaus davos il Volg vegnida eligida. Cun sustegn dils luvrers communal ha la Pro Sagogn realisau ils davos meins quella casetta che vegn inaugurada sonda sontga, ils 15 d'avrel 2017 cun in pign act festiv. El entscheiva allas 10.00 cun cuorts plaid da representants dalla vischnaunca e dalla Pro Sagogn e vegn accompignaus musicalmein. Dallas 10.00 entochen allas 12.00 vegn offeriu in apéro alla populaziun. Naven dallas 10.00 sa mintgin dar ni prender cudischs gratuitamein. Per motiv da capaciad vegnan ils interessai supplicai da deponer mo paucs, denton bials ed entirs cudischs per che tuts hagian la pusseivladad da far diever da quella purschida. La casetta vegn ad esser aviarta mintga gi dallas 07.00 entochen allas 20.00.

Alois Poltéra



Ord ina dallas hettas da rumien ha la Pro Sagogn fatg ina casetta da cudischs.

LA QUOTIDIANA

Editura: Somedia Publishing AG

Editor: Hanspeter Lebrument

CEO: Andrea Mastüger

Schefredactor: Martin Cabalzar

Redacziun

Agentura da Novitads Rumantscha (ANR):

Flurin Andry (fa), Augustin Beeli (abc),

Andreas Cadonau (ac), Claudia Cadruvi (vi), Gieri

Antoni Caviezel (gac), Annatina Filii (afi), Hans

Huonder (hh), Susi Rothmund (sr), Gion Nutegn

Stgier (gns).

Collavurators redacziunals:

Giusep Capaul (gc), Lucas Deplazes (ld).

Adressas redacziunals:

La Quotidiana, Via Sommerau 32, 7007 Cuira,

tel. 081 255 57 10,

mail: redacziun@laquotidiana.ch

Agentura da Novitads Rumantscha (ANR)

Via da Masans 2, 7000 Cuira,

tel. 081 250 48 00, fax 081 250 48 03,

mail: anr@spin.ch

Surselva: tel. 081 936 47 00, fax 081 936 47 01,

mail: surselva@anr.ch

Engiadina: tel. 081 864 81 12, fax 081 864 81 22,

mail: engiadina@anr.ch

Surmeir: tel. 079 430 69 30, fax 081 684 32 82,

mail: surmeir@anr.ch

Schons: tel. 078 626 42 25

mail: b.riedhauser@bluewin.ch

Editura Somedia,

Via Sommerau 32, 7007 Cuira;

tel. 081 255 50 50,

mail: verlag@somedia.ch

Servetsch d'abonents e da distribuziun:

Via Sommerau 32, 7007 Cuira,

tel. 0844 226 226,

mail: abo@somedia.ch

© Somedia